

Date – 08/07/2025
Time - 7:30 -7:40Hrs
AKASHVANI AIZAWL

HEADLINES (MORNING)

- 1. Governor in Chakma Autonomous District Council thuneihna, thlaruk chhung atan laksakin, Lawngtlai DC chu CADC enkawl turin a ti.**
- 2. MSU in an nawr hnuah Mizoram Sawkarin Unqualified Part Time Assistant Professor te Contract a pawhsei sak te chu tun thla ni 18 thleng insawifiahna hun, show-cause notice a pe.**
- 3. Hmarchhaka luitui inkalpawhna leh tuipui lam kaihhnawih tihmasawn turin sawrkar laipui chuan cheng vaibelchhe sang nga chuang a hmang dawn tih Union Minister of Ports, Shipping & Waterways Sarbananda Sonowal chuan a sawi.**
- 4. Prime Minister Narendra Modia chuan sik leh sa chungchanga rorelna dik tak neihi chu India chuan tih makmawhah a ngai tih BRICS Summit ah a sawi.**

<><><>

CADC

Chakma Autonomous District Council ah thuneihna inchuhna karah Mizoram Governor chuan Chakma Autonomous District Council thuneihna, thlaruk chhung atan laksakin, Lawngtlai DC chu CADC enkawl turin a ti.

Chakma Autonomous District Council a BJP hruaitu, CEM Pu Molin Kumar Chakma chu June ni 16 khan No-Confidence Motion hmangin CEM atanga paihthlak a ni a, motion hi Zoram People's Movement member, Rengkashya MDC, Pu Doymoy Daveng Chakma an a pulut a, CEM Pu Molin Kumar Chakma hian sorkarna chelh chhunzawm turin member a ngah tawh tawh lova, hruaitu thlak danglam ngai a nih thu a sawi.

Session a tel Elected Member 17 zinga MDC 15 chuan motion hi an thlawp a, MDC 1 chuan motion thlawp lo zawngin a vote thung. MNF, MDC awmchhun, Pu Rasik Mohan Chakma chuan vote a thlak lo a. BJP hruaitu, CEM paih duhtu an tam zawk vangin, CEM chu paihthlak a ni.

Kum 2023 May thla khan CADC ah hian inthlanpui neih niin, MNF hruaitu CEM a tan Pu Rasik Mohan Chakma lakluh anih hnuah, kumin February ni 27 khan BJP hruaitu, Pu Molin Kumar Chakma an a thlak a, CADC ah hian thlantlin member 20 awmin, Member pakhat thita ai thlan anih loh avangin tun dinhmunah Member 19 an awm mek a, ZPM in member 16 neiin, MNF member 1 leh BJP Member 2 an awm mek a ni.

CADC ah hian ZPM chuan an hruaitu Pu Lakhan Chakma hovin Sorkarna siamtum in theihtawp chhuah mahse, Governor hian State Sorkar a biakrawn hnu ah CADC thuneihna hi a laksak ta a ni.

<><><>

MSU

Mizo Students' Union (MSU), General Headquarters in an nawr hnuah Mizoram Sawkarin Unqualified Part Time Assistant Professor te Contract a pawhsei sak te chu tun thla ni 18 thleng insawifiahna hun, show-cause notice a pe a,

MSU chuan sawrkar chu a thutiama ding tura an duh bakah tun hnua Zirtirtu hnalak ah Qualified teacher te chauh lak thin ni tawh se an ti a, nimin khan Unqualified Part Time Assistant Professor te contract pawhsei sak duhlohna kawngzawh an lo huaihawt tawh a, "Quality Education Humhalhna Kawng Zawh" an ti a ni.

Kawngzawh hi Vanapa Hall atanga Higher & Technical Education Directorate Office kawt thleng neih a ni a, he hunah hian college hrang hranga zirlai rualte an tel a, “Unqualified Assistant Professor sorkarin a rawih luih te hi kan duh lo” tih leh ”Tling lo taka zirtirtu hna thawktute hi bang rawh se” tiin an au rual a ni.

Protest SFX

MSU Vice President - Roluahpuia chuan lungawi lohna lantir chu an tum ber a ni lova, dawhkana sawifel mai theih a ni tih sawiin, thuneitute hnenah vawi engemawzat an thlen hnuah pawh awmzia a awm loh avangin lungawi lohna an lantir ta a ti a. Kumin February ni 28-a pawhsei sak tawh lo tura sorkarin order a chhuah tawh sut leh tu chu sorkar tho a ni tih sawiin, sorkarin kum 1 atan a pawhsei sak qualify lo te chu zirlaite zirtirtu atan an duh lo a ti a. Zirna in sang bera Assistant Professor ni tur chuan Minimum qualification ah NET a ni a, kum 1 ah NET vawi hnih exam a awm a, MA pass hlim te pawhin an paltlang theih paltlang theilo te chu chhawr tlaka an ngaihloh thu an sawi a ni.

MSU Vice President chuan Kalphung thar tih au hla hmanga inthlan dawna in zuar te chuan kalphung hlui ang bawkin a tha lo tih hre reng si a, rawih nawn tura ruahmanna an siam chu anmahni inzawt let turin an duh tih a sawi a. Ram leh hnam an hmangaih a nih chuan zirlaite zirtirtu atan a tling ngei te ruai turin an phut tih an sawi bawk.

Byte: MSU Vice President Roluahpuia

<><><>

ZPM

Education Minister Dr. Vanlalthlanan, Zirlai pawlte an harh thar zel a, kalphung thar sorkar hnuaiah an thik thu pawh a chhia in sorkar hmalak mekna thlawp chung a Quality Education Humhalhna Kawngzawh an nei chu a lawmawm takzet a ni a ti.

Nimina ZPM Party chhung inkhawm ah thusawiin Pu Vanlalthlana chuan, tum 7 zet sorkar hmasaten an pawhsei sak tawh; tuna Part time-a thawk mi 29 te chu chhungkaw eizawngtu an nihnaah khawngaihna nen, sorkarin an chungah rorelin a tawp nan hun a siamsak ve leh a, show cause

notice pek an ni tawh a ti a, zirlai pawlte kawngzawh chhan bak pawh hi sorkar chuan zirna siamthatna tur kawngah hma a la mek a ni, a ti.

Dr. Vanlalhlana chuan, tuna tuna Zirlai Pawl te Unqualified Part time-a thawk mi 29 an aupui bakah; College pangngai, Law College leh Mizoram Polytechnic Lungleia Unqualified Contract Asst. Professor te pawh hi sorkarin show cause notice a pek vek tawh te an ni a ti a. Sorkar hmasa lama an chai tam loh, Aikal lak chungchangah te pawh zirlai pawlte an tawng chhuak ngam ta chu a lawmawm tak zet a. Zirtirtute attendance check ngam sorkar a ding ta a, Kai App siam a ni bawk a ti a. Sikul zirtirtute pawh an kal that phah a ni a ti bawk.

Education Minister chuan, MTET nei lo MR Teacher tam tak te pawh last chance pek mek an ni a ti a, Samagra Shiksha hnuaia unqualified teacher awmte pawh zawn chhuah mek an ni a. Dan laka sorkar himna turin uluk takin engkim zirchian a ni a, hemi nghak zo lo hian vawiinah zirlai pawl te chuan kawng an zawh ta a, an duh angin a tih nghal vek theih loh a, sorkar chuan hma a la zel dawn tih erawh hria se a ti a. Hun inpe lova mi chaw bel ben buaksak hi sorkarin a duh loh avangin, dan zuiin sorkar chu a kal mai a ni, a ti. Minister chuan, “Kum 2019-a lak, MR teacher 800 chuang zingah qualified lo mi 100 chuang an awm tih sawiin, qualified tam tak an awm tawh avangin tunah hian sorkarin last chance a pe leh mek a. Sorkar hmasa khan kum 2024 thleng an qualify ve theihna turin hun an pe a. Heti a nih chuan MR teacher thenkhat, lehkha zir mek ten an tuar nghal dawn a ni a ti.

<><><>

ZORO

Zo Re-Unification Organisation (ZORO) chuan Myanmar ram chhung Chin State-a Chin National Organisation (CNO) leh Hualngoram Peoples Organisation (HPO) te inkara buaina chhuak leh inkahna, thisen inchhuahsakna hial a thleng chu pawl a ti tih thuchhuah siamin a sawi aa. He buaina avanga pawl sawi lo nunau thlabar manganga sang tam tak an awm leh hmun him lam pana mahni in leh lo tlansan a ngai hial te chu ZORO chuan pawl a ti tak zet a ni a ti.

ZORO chuan Unau, thisena inzawm nunna inlaksak tuma ralthuam hial chelek a ni thin chu tha a tilo hle a, a phal lova, tun hnuaah hetiang unau inkara buaina chhuak-ah ralthuam chelek zawnga che la tawh lo turin ZORO chuan Zofa chi tinte a ngenin a hriattir nghal tih an thuchhuahah chuan an sawi a ni..

ZORO thuchhuah chuan, Myanmar ram chhungah hian State Administration Council (SAC) sual sipai ral neiin thih leh dam karah nunphung pangai tak pawh zawh thei lovin an awm mek tih sawiin, tanrual hun tak meuh meuh a nih laia mahni inbeihna hian rah tha engmah a chhuah dawn lova, SAC awpbehna hnuaia awmna ni khua ti sei tu mai a ni dawn a ni a ti.

ZORO chuan Chin National Organisation (CNO) leh Hualngoram Peoples Organisation (HPO) te chu inngaichang tawn tur leh boruak tipunlun zawnga hma la tawh lo turin a ngen a. Unau inkara inremna a awm theihna

turin a khirh zawng nilo, a dam zawnga chinfel dan kawng zawng hram hram turin a ngen a ni a ti.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

BJP

Mizoram State Level Cooperative Society hruaitu ten nimin khan BJP Mizoram State Pradesh President Dr K.Beichhua MLA chu a Office Chamber ah an kawm a.

Mizoram State Level Cooperative Society hruaitu te chuan Mizoram Cooperative in hma asawn theih nan leh alo than len theih nana Cooperative Society te hmanga Ram hmasawinna kalpuina tur Policy ngaihpawimawh anih theih nana hmalakpui turin Dr K Beichhua hnenah an thlen a.

Dr K Beichhua chuan, Cooperative Base a Development kalpuina Policy hman anih theih nan theihtawp chhuaha hmalakpui atum thu alo hrilh a ni.

Hetihlai hian, nimina Mizoram BJP Political Sessionah Pu K. Hrahmo, MLA chuan thusawiin, Kumina GST tlakhniam zel chhan pakhat chu sorkarin Central atanga Project Funded Project laklulh mumal a neih theih loh vang a ni a, an neih awm chhun tlêm tê pawh Departmental Work/Work Incharge an duhsak zawng Party Worker-te an pek avangin GST-a khawn theih loh vang a ni, a ti.

State-in Project a neih ve zaa 17 Capital Assets siamna tur pawh GST lak theih loh turin Departmental Work ah an kal tir leh deuh vek avangin sorkar chuan GST khawn tur an nei lo a, hengte avang hian Mizoram ang State rethei chuan GST sum hi nasa takin a tlakhniam phah êm êm a ni," a ti.

Pu K Hrahmo chuan, BJP-ten khaw tin ah PM Scheme kaltlanga hnathawhte a that leh that loh te ngun takin an vil dawn tih sawiin, Kum 2047 ah India ram hi Viksit Bharat, Developed India, India ram chu ram changkang, mahni kea dinga ram intodelh a nih theih nan hma lak a ni a, Chutiang hunah chuan Mizoram pawhin mi te ruala ke an pen ve a, zak lova a awm ve theih nan ngaihtuahna sen a ngai a ni," a ti bawk.

<><><>

NE SHIPPING

Hmarchhaka luitui inkalpawhna leh tuipui lam kaihhnawih tihmasawn turin sawrkar laipui chuan cheng vaibelchhe sang nga chuang a hmang dawn tih Union Minister of Ports, Shipping & Waterways Sarbananda Sonowal chuan a sawi. Guwahati-a chanchinbumi kawmin Pu Sonowal-a lawngchawlhna lian awmsa te tihchangtlun a ni dawn a ti a. Lawngliana zin veivahna tih lar zel a ni dawn tih sawiin thalai sing 5 chuang tan hna thar siam a ni ang a ti a. Silghat, Neamati, Biswanath Ghat, leh Guijan ah cheng vaibelchhe 300 sengin tuipui lama khualzinte hip turin hma lak ani dawn a. Water Metro Project siam turin Guhawati, Tezpur leh Dibrugarh ah te ruahmanna siam a ni tih a sawi bawk a ni.



PM @ BRICS

Prime Minister Narendra Modia chuan sik leh sa chungchanga rorelna dik tak neihi chu India chuan tih makmawhah a ngai tih BRICS Summit ah a sawi. Nimina Environment chungchang sawihonaah he thu hi sawin Pu Modia chuan ram thenkhat tan chuan environment chu inchhiarna ang chauh anih laiin India tan chuan kum tam tak chung mipui nuna thil bet nghet tlat a ni a ti.

Nimin vek khan Prime Minister Narendra Modia chuan mineral pawimawh leh technology te bakah a phurhkualna kawngahte mahni hamthatna atana ralthuama hman a duh loh thu BRICS Summit ah a sawi a. Pu Modia chuan heng mineral te leh technology lamahte thawhhona tha tak a awm chungin a phurhkualna leh inpek kualna kawngah harsatna lian awm loa kalpui tha a tih thu a sawi a. Mipuite hmasawinna leh changkanna chu technology ah a innghat thui hle tih sawiin kum zabi 21 naah chuan Artificial Intelligence ah a innghat bik a ti a. PM Modia chuan BRICS ramte chu Artificial Intelligence hman danah tangkai leh awmze nei taka hman thiam a tul thu a sawi bawk a ni.

